

## /Վարչական տույժ նշանակելու մասին/

«29» հոկտեմբեր 2021թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետի ժ/պ՝ Գոռ Բակլաջյան, ուսումնասիրելով Արման Պավելի Աբովյան / ՀՀ քաղաքացի, ծնված՝ 10.08.1980 թ., Տավուշի մարզ, ք. Նոյեմբերյան, Տերյան փ., 92., բն. 11, անձը հաստատող փաստա. համար՝ 012204392/ կողմից մաքսային կանոնների խախտում կատարելու վերաբերյալ նյութերը,

**Պ Ա Ր Զ Ե Ց Ի**

Վահագն Սելիմյանի անվամբ ՀՀ է ներմուծել ԱՏԳ ԱԱ 25169000000 ծածկագրին դասվող ապրանք, որը 24.08.2021 թվականին թիվ 05100033/240821/0030366 տարանցման հայտարարագրով տեղափոխվել է «Դամուար Գրուպ» մաքսային պահեստ: Նշված ապրանքը 24.08.2021 թվականի թիվ 05100030/240821/0001199 ապրանքների հայտարարագրով ձևակերպվել է «Ներքին սպառման համար բացթողում» մաքսային ընթացակարգով: Նշված ապրանքների հայտարարագրի 44-րդ «Լրացուցիչ տեղեկատվություն/Ներկայացված փաստաթղթերը» վանդակում տարանցման հայտարարագրի համարը չի նշվել, որի պարագայում տարանցման հայտարարագիրը բաց է մնացել: 44-րդ վանդակում նշվում են ԱՀ-ի 31-րդ վանդակում նշված յուրաքանչյուր ապրանքի մասին հայտագրված տեղեկությունները՝ հաստատող այն փաստաթղթերի մասին տեղեկությունները, որոնց հիման վրա լրացված է ԱՀ-ն:

Փաստի կապակցությամբ ՀՀ ՊԵԿ Արևելյան մաքսատուն-վարչության ՄԳ բաժնի ավագ մաքսային տեսուչի կողմից 29.09.2021 թվականին մաքսային ներկայացուցիչ Արման Աբովյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 203-րդ հոդվածի հատկանիշներով: Նշանակվել են լսումներ 19.10.2021 թվականին ժամը 16:30-ին: Լսումները տեղափոխվել և նշանակվել են 29.10.2021 թվականին ժամը 11:30-ին, որի վերաբերյալ վերջինս

պատշաճ ծանուցվել, սակայն չի ներկայացել լուսմներին: ՀՀ ՄՕ 219 հոդվածի ուժով գործի քննությունն անցկացվել է վերջինիս բացառությամբ:

ԵԱՏՄ մաքսային օրենսգրքի (այսուհետ՝ Օրենսգիրք) 2-րդ հոդվածի 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ:

Օրենսգրքի 84-րդ հոդվածի 2-րդ կետով սահմանված են հայտարարատուի պարտականությունները, այն է՝ կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում հայտագրված տեղեկությունները հաստատող փաստաթղթեր, ներկայացնել հայտարարագրվող ապրանքները և վճարել մաքսային վճարները, իսկ 3-րդ կետի համաձայն հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու, ինչպես նաեւ մաքսային ներկայացուցչին անվավեր, այդովում կեղծ և (կամ) ակնհայտ ոչ հավաստի (յուր) տեղեկություններ պարունակող փաստաթղթեր ներկայացնելու համար:

Օրենսգրքի 401-րդ հոդվածի 1-ին և 2-րդ մասերի համաձայն՝ մաքսային ներկայացուցիչը հայտարարատուի կամ այլ շահագրգիռ անձ անցանունից և նրանց հանձնարարությամբ իրականացնում է մաքսային գործառնություններ այն անդամ պետության տարածքում, որի մաքսային մարմնի կողմից նա ընդգրկվել է մաքսային ներկայացուցիչների ռեեստրում՝ մաքսային կարգավորման ոլորտի միջազգային պայմանագրերին և ակտերին համապատասխան, մաքսային ներկայացուցչի հարաբերությունները հայտարարատուների կամ այլ շահագրգիռ անձանց հետ ձևավորվում են պայմանագրային հիմքի վրա:

Օրենսգրքի 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել սույն Օրենսգրքով սահմանված և (կամ) անդամ պետությունների՝ մաքսային կարգավորման վերաբերյալ օրենսդրությամբ սահմանվող այլ պարտականություններ:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի

Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության: Սույն դեպքով որպես հայտարարտու հանդես է եկել Վահագն Սելիմյանը, ում անունից և հանձնարարությամբ հայտարարագիրը լրացրել է մաքսային ներկայացուցիչ Արման Աբովյանը:

ՀՀ մաքսային օրենսգրքի 203-րդ հոդվածի 1-ին մասի համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որի արդյունքում չի առաջանում մաքսային վճարների (բացառությամբ մաքսավճարի) պակաս հաշվարկում կամ չհաշվարկում, ինչպես նաև ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ 50 հազար դրամի չափով:

Վարչական մարմինը գնահատելով գործում եղած բոլոր ապացույցները, բազմակողմանի և օբյեկտիվ հետազոտման վրա հիմնված ներքին համոզմամբ գալիս է այն եզրակացման, որ սույն դեպքով Արման Աբովյանի արարքում առկա է 17.12.2014թ. ՀՕ-241-Ն «Մաքսային կարգավորման մասին» օրենքի 259 հոդվածի 4-րդ կետի ուժով գործող 06.07.2000թ. ՀՀ ՄՕ 203 հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի օրենսգրքի 21-րդ, 214-րդ և 234-րդ հոդվածներով՝

## Ո Ր Ո Շ Ե Ց Ի

1. ՀՀ մաքսային օրենսգրքի 203-րդ հոդվածի 1-ին մասի հատկանիշներով նախատեսված մաքսային կանոնների խախտում կատարելու համար Արման

Աբովյանին ենթարկել վարչական պատասխանատվության՝ տուգանելով 50000 ՀՀ դրամի չափով:

2. Որոշման մասին հայտնել Արման Աբովյանին:

3. Պարզաբանել, որորոշումը ՀՀ մաքսային օրենսգրքի 222-րդ հոդվածի համաձայն 10-օրյա ժամկետում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշմամբ նշանակված տուգանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մաքսավորուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-  
ՎԱՐՉՈՒԹՅԱՆ ՊԵՏԻ Ժ/Պ



ԳՈՌ ԲԱԿԼԱՉՅԱՆ